



ქალაქ ფოთის მუნიციპალიტეტის საკრებულო



განკარგულება № 5745

2022 წლის 24 დეკემბერი

ქალაქი ფოთი

„ქალაქ ფოთის მუნიციპალიტეტის საკრებულოს წევრების უფლებამოსილების განხორციელებასთან დაკავშირებით საწვავისა და მობილური სატელეფონო კავშირის მომსახურებების ხარჯის ზღვრული ოდენობის განსაზღვრის შესახებ“ ქალაქ ფოთის მუნიციპალიტეტის საკრებულოს 2015 წლის 28 იანვრის №3/9 განკარგულების ძალადაკარგულად გამოცხადებისა და გასატარებელი ღონისძიებების თაობაზე

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსი“ 41-ე მუხლის პუნქტის შესაბამისად, მუნიციპალიტეტის საკრებულოს წევრი თავის უფლებამოსილებას ახორციელებს სამსახურებრივი საქმიანობისაგან მოუწყვეტლად და უსასყიდლოდ. ანაზღაურებადია მხოლოდ მუნიციპალიტეტის საკრებულოს თანამდებობის პირის საქმიანობა.

საქართველოს ორგანული კანონის „ადგილობრივი თვითმმართველობის კოდექსი“ 41-ე მუხლის მე-3 პუნქტის, „ქალაქ ფოთის მუნიციპალიტეტის საკრებულოს წევრების (გარდა თანამდებობის პირებისა) უფლებამოსილების განხორციელებასთან დაკავშირებული ხარჯების ანაზღაურების წესის შესახებ“ ქალაქ ფოთის მუნიციპალიტეტის საკრებულოს 2015 წლის 28 იანვრის №3/4 დადგენილების შესაბამისად, იმ საკრებულოს წევრს, რომელიც არ არის თანამდებობის პირი უნაზღაურდება უფლებამოსილების განხორციელებასთან დაკავშირებული ხარჯები.

„საჯარო სამსახურის შესახებ“ საქართველოს კანონის მე-10 მუხლის შესაბამისად, საჯარო მოსამსახურე ვალდებულია რესურსების ეკონომიურად გამოყენებითა და ხარჯვით ეფექტიანად, სწორად და კოორდინირებულად წარმართოს საჯარო სამსახურში ორგანიზაციული პროცესი ხალხისა და სახელმწიფოს ინტერესების დასაცავად და ქვეყნის წინაშე მდგარი ამოცანების წარმატებით შესასრულებლად.

ამდენად, საბიუჯეტო სახსრების ეფუქტიანად ხარჯვის მიზნით და ზემოხსენებული სამართლებრივი აქტებიდან გამომდინარე, მიზანშეწონილია იმ საკრებულოს წევრებზე, რომლებიც არ არიან თანამდებობის პირები არ გაიცეს საწვავი.

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 პუნქტის შესაბამისად, მუნიციპალიტეტი უფლებამოსილია საკუთარი ინიციატივით გადაწყვეტოს ნებისმიერი საკითხი, რომლის გადაწყვეტაც საქართველოს კანონმდებლობით არ არის ხელისუფლების სხვა ორგანოს უფლებამოსილება და აკრძალული არ არის კანონით.

საქართველოს კანონის „საქართველოს ზოგადი ადმინისტრაციული კოდექსი“ 61-ე მუხლის პირველის ნაწილის შესაბამისად, ადმინისტრაციულ-სამართლებრივი აქტის ძალადაკარგულად გამოცხადების უფლება აქვს ადმინისტრაციულ-სამართლებრივი აქტის გამომცემ ადმინისტრაციულ ორგანოს.

აღნიშნულიდან გამომდინარე:

მუხლი 1.

ა) ძალადაკარგულად გამოცხადდეს „ქალაქ ფოთის მუნიციპალიტეტის საკრებულოს წევრების უფლებამოსილების განხორციელებასთან დაკავშირებით საწვავისა და მობილური სატელეფონო კავშირის მომსახურებების ხარჯის ზღვრული ოდენობის განსაზღვრის შესახებ“ ქალაქ ფოთის მუნიციპალიტეტის საკრებულოს 2015 წლის 28 იანვრის №3/9 განკარგულება.

ბ) ქალაქ ფოთის მუნიციპალიტეტის საკრებულოს წევრებზე, რომლებიც არ არიან თანამდებობის პირები არ გაიცეს საწვავი;

გ) ქალაქ ფოთის მუნიციპალიტეტის საკრებულოს თანამდებობის პირების, საკრებულოს აპარატის საწვავისა და მობილური სატელეფონო კავშირის მომსახურებების ხარჯის ზღვრული ოდენობა განსაზღვროს საკრებულოს თავმჯდომარემ ბრძანებით, ამასთანავე, საკრებულოს თავმჯდომარემ ბრძანებით განსაზღვროს საკრებულოს საჯარო მოსამსახურეების, საკრებულოს წევრების, რომლებიც არ არიან თანამდებობის პირები სატელეფონო კავშირის მომსახურებების ხარჯის ზღვრული ოდენობა.

მუხლი 2.

განკარგულება ძალაშია 2022 წლის 1 ივნისიდან.

საკრებულოს თავმჯდომარე



ალექსანდრე ტყებუჩავა